

OSÉIAS

(Ochéa)

Ochéa naxmax rü nanegü

1 ¹Rü nhaa nixĩ ga ore ga Cori ya Tupana nüxũ ixuxũ namaxã ga Ochéa ga Béri nane ga yexguma Yudáanewa ãëxgacügü yixĩgüga ga Uchía rü Yotáũ rü Acáa rü Echequía. Rü yexguma nixĩ ga Yerubuáũ ga Yoá nane ga ãëxgacü yixixũ ga Iraéuanewa. ²Rü nhaa nixĩ ga yema nüxíraxixũ ga ore ga Cori ya Tupana Ochéamaxã nüxũ ixuxũ. Rü nhanagürü nüxũ: —Ngẽma Iraéuanecüãxgü rü nhama wüxi i ngexũ i natena ngeãxëxürüxũ choxna nixĩgachi. Rü cumax, Pa Ochéax, rü wüxi i cuaxruxũ tá quixĩ naxçax i ngẽma duũxũgü. ¡Rü ngẽmacax i nhuxmax rü wüxi i nge i chixri maxücumaxã naxãxmax rü ngĩwa naxãxacü! Rü ngẽmaãcü i ngẽma cuxacügü rü wüxi i nge i ngeãxëcücüxacügü tá nixĩgü —nhanagürü. ³Rü yemawena ga Ochéa rü ngĩmaxã naxãxmax ga Gomé ga Dibráĩacü. Rü ngĩma rü nüxũ ixãxacü rü nayatü. ⁴Rü nhuxüchi ga nüma ga Cori ya Tupana rü nhanagürü Ochéaxũ: —Yimá cune rü Yechereé tá nixĩ i naéga. Erü paxaxüchitáma chanapoxcue i

ngẽma nataagü ya yimá ãëxgacü ya Yeú naxçax ga yema taxũ ga máeta ga naxixũ nawa ga guma ãane ga Yechereé. Rü ngẽxma tá chayacuãxëxë nax nümagütama i Iraéuanecüãxgü nügümaxã inacuaãxgüxũ. ⁵Erü ngẽma ngunexügu rü yima ãane ya Yechereéarü ngatexũ i metachinüanexügu tá chanadai i ngẽma norü churaragü i Iraéuanecüãxgü rü ngẽxma tá nagux i norü pora —nhanagürü. ⁶Rü yexguma ga ngĩma ga Gomé rü wena ixãxacü, rü nange ga ngĩxacü. Rü nüma ga Cori ya Tupana rü Ochéaxũ nhanagürü: —Ngẽma ngĩéga i ngẽma cuxacü rü Duruáma tá nixĩ. (Rü ngẽma naéga rü: “tama choxũ nangechaütümüxũgü”, nhaxũchiga nixĩ.) Erü nhuxmawena rü marü taxütáma choxũ nangechaütümüxũgü i Iraéuanecüãxgü. Rü marü taxütáma nüxũ nüxũ icharüngüma i ngẽma norü chixexũgü. ⁷Notürü ngẽma Yudáanecüãxgü rü tá choxũ nangechaütümüxũgü rü chamatama i norü Tupana nax chixixũ rü tá norü uanügüna íchanapoxũ. Notürü taxütáma taxacürü churaragümaxã rüexna naxnegümaxã rüexna ngẽma

churaragü i cowaruáxũmaxã
 —nhanagürü ga Tupana. ⁸Rü yexguma
 Gomé marü Duruáma ngxĩũ
 yamaieguwena, rü wena ixãxactü, rü
 nayatü. ⁹Rü yexguma ga nüma ga Cori
 ya Tupana rü Ochéaxũ nhanagürü:
 —Ngẽma cuneéga rü Duamí tá nixĩ. (Rü
 ngẽma naéga rü “tama chorü duũxũgü
 pexĩgü”, nhaxũchiga nixĩ.) Erü pema i
 Iraéuanecüãxgü rü marü tama chorü
 duũxũgü pexĩgü rü chama rü marü tama
 perü Tupana chixĩ —nhanagürü.

.....

**Tupana nixĩgachi ga
 Iraéuanecüãxgü**

2 ²Rü nüma ya Cori ya Tupana rü
 nhanagürü: —Pa Iraéuanecüãxgüx,
 ípenaxuaxũ i ngẽma pechixũane i nhama
 peérũxũ ixixũ! Norü duũxũgü rü marü
 choxna nixĩgachi, rü ngẽmacax i
 pechixũane rü marü tama choxrü nixĩ rü
 chama rü marü tama norü Tupana chixĩ.
 Rü name nixĩ nax norü duũxũgü nüxũ
 naxoexũ nax nhama wüxi i ngexũ i
 ngeãxécürũxũ yixixũ, rü nüxna nax
 yaxĩgachixũ i ngẽma norü
 tupananetachicünaxãgü i nüxũ
 nangechaũgüxũ. ³Rü ngẽxguma taxütáma
 nüxũ naxoegu i ngẽma tupanachicünaxãgü
 rü tá nüxna chanayaxu i guxũma i ngẽma
 norü ngẽmaxũgü i nüxũ ngẽmaxũ rü
 nhama wüxi i nge i ngexchirucürũxũ tá
 chayaxixêxê. Rü ngẽma nachixũane rü
 noxri nangoxgurũxũ tá chayaxixêxê rü
 nhama mairaxũ i paxũ rü ngearü
 dexáxũrũxũ tá chayaxixêxê nax
 ngẽmaacü tãxawamaxã nayuexũcax i
 ngẽma choxna ixĩgachixũ.

.....

¹³Rü ngẽma cuchixũanecüãx i
 duũxũgü rü gumá nhuxre ga taunecügü
 ga naxu nüxũ yacuaxũũgücü ga yema
 tupanachicünaxãgü, rü ngẽmacax tá
 chanapoxcue. Yerü marü choxũ
 inarüngümae rü norü
 tupananetachicünaxãgücax pumáratexe
 ínagügü ga yexguma ãneramaxã rü
 nachagũmaxã nügü yangaxãêgügu nax
 yemaacü yema tupanachicünaxãgüxũ
 yacuaxũũgüxũcax. Rü chamax i Cori ya
 Tupana nixĩ i nüxũ chixuxũ i ngẽma.

**Tupana rü Iraéuanecüãxgüxũ
 nangechaũama**

¹⁴Notürü i chamax, rü wena táxarü
 ngẽma Iraéuanecüãxgü rü chaugüna
 chayapuexêxê. Rü chianexũwa tá
 chanagagü nax ngẽma mea namaxã
 chidexaxũcax rü wenaxarü choxũ
 nangechaũgüxũcax. ¹⁵Rü ngẽma norü
 úwanecügü rü tá wena chanamexêxê
 nax mea naxügüxũcax rü nabacaxũcax i
 norü úwagü. Rü ngẽma ngatexũ i
 metachinüanexũ ga noxri
 Guxchaxũchicagu ãégaxũ rü
 Taãxêchicaxũ tá chayanguxuchixêxê. Rü
 ngẽma naanewa tá choxũ nangechaũgü
 i ngẽma Iraéuanecüãx ga yexguma
 Eyítuanewa ínaxoxũgurũxũ. ¹⁶Rü
 ngẽxguma rü tá “Pa Cuxũ
 Tangechaxũcux”, nhanagürügü tá
 choxũ, rü tama “Pa Torü Baãx”,
 nhanagürügü. Rü chama i Cori ya
 Tupana nixĩ i nüxũ chixuxũ i ngẽma.
¹⁷Rü tá nüxna chanachuxu nax
 tagutáma wena namaxã
 nadexaãchigüxũcax i ngẽma Baágüéga.
¹⁸Rü ngẽma ngunexũgügu rü ngẽma
 Iraéuanecüãxgüxũ tá charüngüxêxê. Rü

ngêma naexũgü i düraexũ, rü werigü, rü äxtapegü rü tá ichanangüxmüexêxê nax tama ngêma duũxũgũxü nachixeãxêgũxũçax. Rü tá ichanaxoxêxê ya würagü rü taragü. Rü ngêma norü uanügü rü tá ichanangüxmüexêxê nax tama wena naxçax íyaxüãchixũçax, rü ngêmaãcü i chorü duũxũgü rü nataãxêgũxũçax. ¹⁹Rü ngêmaãcü, Pa Iraéuanecüãxgüx, chama rü tá wena pexũ chade nax guxũgutáma choxrü pexĩgũxũçax. Rü ngêmaãcü tá aixcumaxũchi choxrü pexĩgü ngêma mugü nüxü íxuxũãcü, erü poraãcü pexũ changechaũ. ²⁰Rü chorü duũxũgũxüchi tá pexũ chixĩgũxêxê, rü tagutáma pexũ íchawogü. Rü pema rü tá choxũ pecuax nax perü Tupana chixĩxü —nhanagürü.

Ochéa rü naxmaxarü chixexũxü narüngüma

3 ¹Rü yexguma ga Cori ya Tupana rü nhanagürü choxü: —¡Ngêma naxü rü wenaxarü ngĩççax yadau i cuxmax rü cugũxütawa ngĩxü naga rü ngĩxü nangechaxü, rü woo i ngĩma rü ngĩrü me nixĩ i nai i yatümaxã nax namaxũxü! Erü chama ya Cori ya Tupana rü ngêxgumarüxü ngêma Iraéuanecüãxgüxü changechaũama rü woo i nümagü rü choxna nixĩgachi rü naxçax narümemae nax ngêma tupanetachicünaxãgüwe naxĩxü rü nangõxgüaxü i ngêma maixcuraxũgü i namaxã nüxü yacuaxüũgũxü —nhanagürü ga Tupana. ²Rü yexguma ngĩxü ichayangauxgu rü yema ngĩrü yoraxütawa wenaxarü ngĩççax chataxe. Rü 15 tachinü ga diêru rü 330 lítrugü

ga chewádagu nixĩ ga naxãtanüxü. ³Rü nhachagürü ngĩxü: —Mucütáma ya taunecü choxrü quixĩ. Rü tama name nax cungeãxü rü nai i yatüna cugü nax cuxãxü. Rü chama rü tá ta cumaxã chixaixcuma nax mea chamaxũxü —nhachagürü. ⁴Rü ngêmaãcü ya Tupana rü ngêma Iraéuanecüãxgüxü nüxü nacuaxêxê rü mucü ya taunecü rü to i nachixüanegügu tá nawoone rü to i nachixüanearü ãxgacü rü tá namaxã inacuax. Rü ngêmacax i ngêma Iraéuanecüãxgü rü tá nüxü nataxuma i noxrütama ãxgacü, rü bai i ãxgacü nane, rü bai i norü chacherdótegü, rü bai i norü chacherdótegüchiru, rü bai i norü ãmarechicagü, rü bai i norü tupanetachicünaxãgü. ⁵Notürü ngêmawena i nüma i Iraéuanecüãxgü rü nachixüanecax tá nawoegu rü tá Cori ya Tupanaçax nadaugü. Rü tá Dawítaaçax nadaugü nax norü ãxgacü yixĩxũçax. Rü ngêma ngunexũgü i nawa iyacuaxgüxũgü rü Cori ya Tupanaçax tá naxĩ, rü nüxü tá nicuaxüxũgü naxçax i guxüma i norü ngũxêégü.

Cori ya Tupana rü Iraéuanecüãxgümaxã nanu

4 ¹Pa Iraéuanecüãxgüxü ¡iperüxĩnüe i ngêma pemaxã nüxü yaxuxü ya Cori ya Tupana! Nüma rü pemaxã nanu, erü petanüwa rü marü tataxuma ya texé ya tütamücümamaxã íaixcumaxe, rü bai ya texé ya aixcuma naxüxe i ngêma Tupanamaxã nüxü tixuxü, rü bai ya texé ya aixcuma Tupanaxü cuáxe. ²Rü tamuxüchi ya notüçaxma Tupanaégagu ixunetaxe rü nataxüchi i dora, rü máeta,

rü ngĩx, rü namu i nai i ngemaxã
ipegũxũ, rü nũgũ daixũ, rü
máetagũechaxũ. ³Rü ngẽmacax i nhaa
nachixũane rü poraãctũ ngechaũ nũxũ
nangux rü naanegũwa rü taxuxũma
narũxũ. Rü duũxũgũ rü nidaxawee rü
nayue, rü ngẽxgumarũxũ ta i ngẽma
naexũgũ i naixnecũciãx rü werigũ rü
choxnigũ i márcũãx rü nigũetanũ.

**Cori ya Tupana rü
chacherdótegũxũ nixugũ**

⁴Rü nüma ya Cori ya Tupana rü
nhanagũrũ: —Dũcax, Pa Chacherdótex,
cugagu nixĩ i ngẽma guxchaxũ i nagu
nanguxũ i ngẽma cuchixũane. Rü tama
name i toguena cunaxu i ngẽma
chixexũ. ⁵Rü cuma rü ngunecũ tátama
nagu cingu i ngẽma guxchaxũ. Rü
nüma ya yima orearũ uruũneta rü
chũtacũ cuxrũxũ tátama nagu nangu.
Rü ngẽxguma i chama rü taxũtáma pexũ
íchapoxũ nax perũ uanũgũ pexũ
daixũcax rü pexna napuãxũcax i nhaa
pechixũane. ⁶Rü chorũ duũxũgũ rü
chixexũgu nayi rü nayue erũ tama
chorũ mugũxũ nacuãxgũ. Rü ngẽma rü
cugagu nixĩ, Pa Chacherdótex, erũ cuma
rü ta nũxũ cuxo i chorũ mugũ. Rü
ngẽmacax i chama rü ta cuxũ chaxo nax
chorũ orearũ uruxũ quixĩxũ. Erũ cumax
rü nũxũ icurũngũma i chorũ ucuxẽgũ rü
ngẽmacax i chamax rü tá ta nũxũ
icharũngũma i ngẽma cutaagũ. ⁷Rü
ngẽxguma yexera yamuxgu i ngẽma
chacherdótegũ, rü yexera chixexũ
chapexewa naxũgũ. Nũmagũ rü choxna
nixĩgachi nax nawe naxĩxũcax i ngẽma
norũ tupananetachicũnãxãgũ. Rü
ngẽmacax i chama rü taxũtáma namaxã

chataãxẽ rü tá nũxũ chaxo. ⁸Rü nüma i
ngẽma chacherdótegũ rü duũxũgũarũ
pecádumaxã nataãxẽgũ erũ ngẽxguma
ngẽma duũxũgũaxũ naxũãxgu nax norũ
tupananetachicũnãxãgũcax nadaiaxũ rü
ínaguaxũ i ãmaregũ, rü nüma i duũxũgũ
rü meama ngẽma chacherdótegũaxũ
nanaxũtanũ. ⁹Rü ngẽmacax i chama rü
ngẽma duũxũgũxũ chapoxcuxẽrũxũ
tátama chanapoxcuc i ngẽma
chacherdótegũ naxcax i norũ chixexũgũ
—nhanagũrũ ga Tupana.

.....

**Iraéuanecũãxgũ rü nũxũ nixugũe
nax Cori ya Tupanaçax nawoeguxũ**

6 ¹Pa Duũxũgũx ¡rũ nua pexĩ ya
guxãma rü ngĩxã Cori ya
Tupanaçax tawoegu! Rü woo nümatama
tũxũ nawoone rü guxchaxũ tũxna naxã,
notürũ wena táxarũ tũxũ nawoeguxẽxẽ
nax ngẽmaãcũ itaãxẽgũxũcax. Rü nüma
rü ngũxũ tũxũ ningegũxẽxẽ, notürũ
wena táxarũ taxcax nayataanegũxẽxẽ.
²Rü ngẽmaãcũ paxa tá wena taxcax
nayataanegũxẽxẽ rü tá tũxũ
ínarũdagũxẽxẽ nax mea napexewa
imaxẽxũcax. ³¡Rü ngĩxã pora taxũe nax
aixcuma Cori ya Tupanaxũ icuãxũcax rü
naga ixĩnüexũcax! Rü nüma ya Cori ya
Tupana rü aixcuma tá tũxna nangu
nhama ãxãcũ guxũguma ínguxũrũxũ rü
nhama pucũ guxũguma waixũmũ
iwaixmũanexẽcũrũxũ.

Cori ya Tupanaarũ ngãxũga

⁴Rü nüma ya Cori ya Tupana rü
nhanagũrũ: —¿Taxacũ tá pemaxã chaxũ
Pa Efraítanũxũgũx? ¿Rü taxacũ tá
pemaxã chaxũ Pa Yudãanecũãxgũx? Rü

ngêma choxũ nax pengechaũxũ rü nhama caixanexũ i exũwa paxaãchi ngóxũrũxũ nixĩ, rü yimá cherena ya ngunetũxũ paxaãchi rüngucürũxũ nixĩ. ⁵Rü yema chorü orearü uruũgü ga petanũwa chamugũxũwa pemaxã nüxũ chixu nax pexũ tá chapoxcuxũ, notürü ga pema rü tama iperũxĩnũe rü yemaçax pexũ chadaix. Rü yemaacü ga chorü poxcu rü aixcuma pewa nangu nhama ngóonexũ irügoxũrũxũ. ⁶Rü ngêma chama pexũ chanaxwaxexũ nixĩ nax choxũ pengechaũxũ, rü tama taxacürü naxũnagü chauxçax pedaixũ. Rü ngêma chanaxwaxexũ nixĩ nax aixcuma choxũ pecuáxũ nax perü Tupana chixixũ rü ngexrúma i taxacürü ãmare i chauxçax nax ípeguxũ —nhanagürü ga Tupana.

**Tupana rü
Efraítanũxũgũmaxã nanu**

9 ¹⁷Rü nhaa duũxũgü rü tama chorü Tupanaga naxĩnũechaũ, rü ngêmaçax i nüma ya Tupana rü tá nüxũ naxo. Rü togü i nachixũanegügu tá nawoone, rü tá nu ne nanaxĩmare.

**Nagu tá napogüe i ngêma ãmarearü
guchicaxũgü i Iraéuanecüãxgü norü
tupanenetachicünaxãgücax
naxũgũxũ**

10 ¹Ngêma Iraéuanecüãxgü rü nhaa úwa i muarü oóxũrũxũ nixĩ, notürü ngêxguma yexera namuxgu i norü ngêmaxũgü rü yexera norü tupanenetachicünaxãçax ãmarearü guchicaxũ ínixũxũgü. Rü ngêxguma yexera nanetüarü o inaxãxgu i norü

naane rü yexeraxũ i mexũ i naxchicünaxãgü ínixũxũgü. ²Ngêma Iraéuanecüãxgü rü taxregu narũxĩnũe i norü maxũwa rü tama Tupanaguxica narũxĩnũe. Rü ngêmaçax i nhuxmax rü ngêma norü chixexũgagu rü tá napoxcue. Rü nüma ya Cori ya Tupana rü tá inanaxoxêxê i ngêma ãmarearü guchicaxũgü i norü tupanenetachicünaxãgücax üxũ rü tá nayapuexêxê i ngêma nutagü i nüxũ yacuãxũũgũxũ. ³Notürü nüma i ngêma duũxũgü rü nhanagürügü tá: “Rü nataxuma ya tórü ãêxgacü nagagu nax tama Cori ya Tupanaxũ ingechaũgũxũ. Notürü nüétama erü çtaxacürü mexũ chi taxçax naxũxũ ya ãêxgacü? ⁴Rü yexũcürü nidexaechamare rü notüçaxmamare tamaxã inaxuneta rü nanaxunagü i mugü notürü taguma nayanguxêëgü. Rü ngêmaçax i tatanüwa rü duũxũgü rü nügũmaxã nanue rü nhama wüxi i nanetü i nawa iyuxũrũxũ nangexma i chixexũ i tatanüwa”, nhanagürügü. ⁵Rü nhuxmax i ngêma Chamárianecüãx i duũxũgü rü niduxrue, rü naxauxe naxçax i ngêma wocaxacüchicünaxã i Betawéũwa rütaxuxũ. Rü naxçax nangechaũgü i duũxũgü rü ngêma chacherdótegü erü marü narütaxu ga yema namaxã nataãxêgũxũ. ⁶Rü ngêma wocaxacüchicünaxã i Iraéuanecüãxgü nüxũ icuãxũũgũxũ rü Achíriaanearü churaragü rü nachixũanewa tá nanangegü nax norü ãêxgacüna naxãgüãxçax. Rü tá naxãnee i ngêma Efraítanũxũgü erü marü nataxu i norü naxchicünaxã i nüxũ yaxógüaxũ. Rü ngêxgumarũxũ ta i guxũma i ngêma

Iraéuanecüãxgü rü ãne tá ningegü. ⁷Rü ngẽma Chamáriaanearü ãëxgacü rü tá narütaxu nhama wüxi i naixtüchi i dexá ichaxëëxürüxü. ⁸Rü ngẽma norü tupanachicünaxächicagü ga Iraéuanecüãxgü chixexü nawa ügüxü, rü tá nagu napogü. Rü ngẽma norü ãmarearü guchicaxügüétüwa tá narüxügü i chuxchuxügü rü toragü. Rü nüma i ngẽma duüxügü rü tá ngẽma máxpüanegüxü nhanagürügü: “¡Toétügu perübuemügü!” Rü yima maxpünegüxü tá nhanagürügü: “¡Toétügu peyixi!” nhanagürügü.

.....

¹²Rü nüma ya Tupana rü nhanagürü: —Chama rü marüchirex pemaxã nüxü chixu rü nhachagürü pexü: “¡Mexü pexüx rü ngẽmaãcü tá pexna nangu i chorü ngechaü! ¡Rü penamexëxë i perü maxü! Erü marü nawa nangu nax chauxcax pedaugüxü nhuxmatáta petanüwa changu nax peétügu chayabaxüçax i chorü pora i namaxã pexü íchapoxüxü.” ¹³⁻¹⁴Notürü i pemax rü nagu pemaxë i chixexü, rü ngẽma ne naxü nax chixri pegümaxã ipecuáxü rü doragu nax pemaxëxü. Rü pema rü nagu peyaxõ i ngẽma muxü i perü churaragü rü yima peweügü ya daiwa namaxã pexixüne —nhanagürü ga Tupana.

.....

**Tupana rü nüxü nangechaüama i
norü duüxügü woo tama naga
naxünegux**

11 ¹—Rü yexguma nhama buxürüxü tauta cuaxwa nangugügu ga chorü duüxügü ga Iraéuanecüãxgü, rü chama rü nüxü

changechaü yerü chauxacügü nixügü rü yemacax íchananguxüxëxë ga Eyítuana. ²Notürü yexguma yexeraãcü naxçax chacaxgu nax chawe naxixüçax rü nüma rü yexeraãcü choxna nixígachi. Rü ngẽma chorü duüxügü rü norü tupanachicünaxãgüçax ínanagu i ãmaregü rü ngẽmachicünaxãgüçax ínanagu i pumaratexë. ³Chama nixí ga yema Efraítanüxümaxã ichacuáxü ga yexguma noxri tauta nüxü nacuxgügu ga nhuxãcü tá napugüãxü ga nhaa naane. Rü chanangüexëxë nax nhuxãcü tá inaxixü. Rü chaxmexmaxã nüxü chingí notürü ga nümagü rü tama nüxü nacuxgü nax chama yixixü ga nüxna chadauxü. ⁴Rü nüxü changechaüãcüma chaugüçax chayagagü nax chaugüchametüwa chayapaxëëgüxüçax nhama buxügü i maixëxürüxü. Rü naxçax íchayarümaxächi nax chanachibüexëxüçax.

.....

⁷Rü nüma i ngẽma chorü duüxügü rü nanaxügüama nax choxna yaxígachixü. Rü tagaãcü nayumüxëgüchirex, notürü taxúema tanangãxü erü nawe narüxíama i ngẽma tupanagetagü i taxucürüwa nüxü rüngüxëëxü. ⁸Notürü taxucürüwa pexna chixügachi, Pa Efraítanüxügüx. Rü taxucürüwa pexü íchawogü, Pa Iraéuanecüãxgüx. Rü taxucürüwa pexü chadai yexgumarüxü ga yema Admácüãxgüxü chadaixgurüxü. Rü taxucürüwama pexü charüxoxëxë guma íane ga Chebofüxü charüxoxëëxürüxü. Erü daa chorü maxünewa rü pexü changechaü rü íchamemare nax choxü

pengechaütümüxügüxü —nhanagürü ga
Tupana.

.....

**Ochéa rü Iraéuanecüãxgüxü
nacaaxü nax Cori ya Tupanaçax
nawoeguxü**

14 ¹Pa Iraéuanecüãxgüx nax Perú
Chixexügagu Peyixixüx ¡rü
naxçax pewoegu ya Cori ya Perú
Tupana! ²Rü nhaacü peyumüxégü: “¡Pa
Torü Cori ya Tupanax, rü toxü nüxü
irüngüma i guxüma i torü chixexügü!
¡Rü mea toxü nayaxu i nhaa torü
cuaxüxü i cuxna taxäxü! ³Rü marü nüxü
tadaugü rü ngëma Achíriaanecüãxgü rü
tama aixcuma toxü ínapoxü, rü woo chi
cowaruétügu taxixgu rü taxüchima
tamaxë. Rü ngëmacax i nhuxmax rü
marü taxütáma namaxã tatupanaãx i
taxacü i tomatama taxüxü. Erü toma
nax tangearü yoraáxü rü cuxicatama
nixí i aixcuma cuxü
tangechaütümüxügüxü” nhaperügü tá.

**Cori ya Tupana rü
Iraéuanecüãxgümaxã inaxuneta
nax ngexwacaxüxü i maxü tá
nüxna naxãxü**

⁴Rü nhanagürü ya Cori ya Tupana:
—Ngëma duüxügü i tama chauga
ñüexü rü tá chaugümaxã
ichanagüxmüexëxë. Rü tá nüxü

changechaüama woo tamachirex ngëma
nixí i norü natanü. Erü marü
nangupetü nax namaxã chanuxü. ⁵Rü
nhuxmax i chama rü tá nüxü
charüngüxëë i ngëma Iraéuanecüãxgü
nhama cherena nanetügüxü
iwaixëëcürüxü. Rü ngëma

Iraéuanecüãxgü rü tá nataãxëgü nhama
putüra i líriu meama ixächacuxürüxü.
Rü yima maxpüne ya Líbanu guxügüma
ngëmaechanerüxü tá nixí i ngëma
Iraéuanecüãxgü nax guxügütáma
nachixüanewa nangexmagüxü. ⁶Rü
nhama oríwa itaetaxü rü ibacaxürüxü
rü tá meama nüxü naxüpetü i ngëma
Iraéuanecüãxgü i nachixüanewa. Rü
ngëma nachixüane rü duüxügüaru
taãxëxëerüxü tá nixí nhama Líbanuarü
ocayíwaemarüxü —nhanagürü ga
Tupana.

.....

Norü gux i nhaa ore

⁹Rü yíxema cuax tüxü ngëmxaxë rü
yíxema aixcuma tümaãxëxü cuáxe rü
ëcü naga taxínüe i nhaa ore: “Rü ngëma
nacüma ya Cori ya Tupana rü aixcuma
nawexgu. Rü ngëma aixcuma Tupanaga
ñüexü i duüxügü rü ngëma nacümagu
naxí. Notürü ngëma chixexügu
ruxínüexü i duüxügü rü ngëma
Tupanacüma rü nüxü rü wüxi i
guxchaxü nixí.”